

**CONVENIO ENTRE AXENCIA A AXENCIA GALEGA DAS INDUSTRIAS CULTURAI, A ASOCIACIÓN GALEGA DE ORQUESTRAS (AGO) E A ASOCIACIÓN DE EMPRESARIOS DA MÚSICA DA VERBENA GALEGA (ASEVEGA) PARA O DESENVOLVEMENTO DE VERBENAS, FESTAS POPULARES OU EVENTOS CON ACTUACIÓNS DE ORQUESTRAS NO ANO 2021**

Santiago de Compostela

**REUNIDOS**

Dunha parte, Román Rodríguez González, conselleiro de Cultura, Educación e Universidade da Xunta de Galicia, en nome e representación da Axencia Galega das Industrias Culturais, con NIF Q6550009B e enderezo na Cidade da Cultura de Galicia, Monte Gaiás s/n, Santiago de Compostela, en calidade de presidente do Consello Reitor no exercicio das facultades e demais funcións que lle foron conferidas por razón do seu cargo pola Lei 4/2008, do 23 de maio, de creación da Axencia Galega das Industrias Culturais, e o Decreto 150/2012, de 12 de xullo, polo que se aproba o Estatuto da Axencia Galega das Industrias Culturais, modificado polo Decreto 53/2021, do 18 de marzo, polo que se modifica o Estatuto da Axencia Galega das Industrias Culturais.

Doutra parte, Manuel Ángel Fariña Negreira, en representación da Asociación Galega de Orquestras, NIF G32411415 e domicilio social na rúa Hortas de Abaixo, nº 3 - 1º, Ames.

E doutra, Alberto Dopico González, en representación da Asociación de Empresarios da Música da Verbena Galega, NIF G70465869 e domicilio social na rúa Juan Flórez, nº 32 - 1º D, A Coruña.

As partes interveñen en función dos seus respectivos cargos e no exercicio das súas facultades que para convir no nome das entidades que representan teñen conferidas, e

**EXPOÑEN**

**Primeiro.** Que a Axencia Galega de Industrias Culturais, creada pola Lei 4/2008, do 23 de maio, de creación da Axencia Galega das Industrias Culturais, é unha axencia pública con personalidade xurídica propia, patrimonio propio e autonomía na súa xestión, segundo establece o artigo 1.2 da citada Lei. O obxecto da Axencia é, entre outros, o fomento da oferta de bens e servizos culturais, fixado polo artigo 3.1 da Lei, e entre as súas funcións (artigo 5.b) da Lei 4/2008) atribúense a de favorecer os produtos que difundan a lingua, a cultura e as tradicións propias de Galicia, contribuír á mellora na preparación e cualificación artística, técnica e empresarial dos recursos humanos.

**Segundo.-** Que a Asociación Galega de Orquestras (AGO) e a Asociación de Empresarios da Música da Verbena Galega (ASEVEGA) son dous asociacións que, tal e como recollen os seus estatutos, teñen por obxectivo fundamental a promoción da música en festas e espectáculos, a promoción e defensa da



música en directo e a representación e defensa dos intereses profesionais, económicos e sociais dos asociados, sendo o seu ámbito de actuación a Comunidade Autónoma de Galicia.

**Terceira.-** Que a Asociación Galega de Orquestras e a Asociación de Empresarios da Música da Verbena Galega son as dúas únicas asociacións existentes na Comunidade Autónoma que agrupan, representan, defenden e promoven os intereses comúns das empresas titulares de orquestras no ámbito da Comunidade Autónoma de Galicia, das que forman parte máis de cento vinte asociados.

**Cuarta.** Que a crise xerada pola Covid-19, así como as medidas adoptadas para o control da pandemia, afectaron de xeito directo a todas as empresas de entretemento, especialmente as orquestras, que viron reducidas e canceladas as súas actuacións no ano 2020 e o que levamos do ano 2021. Por este motivo, considérase de interese o apoio a estas empresas para o mantemento e reinicio da súa actividade no ano 2021, o que repercute na oferta cultural galega e o mantemento da actividade e emprego no sector.

**Quinto.** Que no citado contexto o obxectivo do convenio é o impulso do sector empresarial do mundo do espectáculo e movemento cultural e, en concreto, do sector das orquestras e verbenas para contribuír a súa reactivación, para mantemento do emprego e xeración de recursos económicos.

A colaboración entre as partes responde ao interese común das mesmas, motivo polo que a Axencia Galega das Industrias Culturais considera axeitado e necesario, por razóns de interese público, colaborar coas Asociacións para o desenvolvemento da súa actividade na nova normalidade, por ser as únicas entidades que representan as empresas de orquestras de Galicia e, polo tanto, son as únicas entidades que poden desenvolver o seu obxecto e lograr acadar o seu obxectivo.

Por estas razóns, concorren, para os efectos establecidos nos artigos 19.4.c) e 26.2.a) da Lei 9/2007, do 13 de xuño, de subvencións de Galicia, e 36.c) e 40.1.a) do Regulamento da devandita lei, aprobado polo Decreto 11/2009, do 8 de xaneiro, razóns de interese público para o outorgamento da subvención, sen que proceda promover a concorrència pública ao ser as Asociacións as únicas entidades representativas existentes e, polo tanto, que poden desenvolver este programa.

En virtude do anteriormente exposto, as partes acordan celebrar este convenio que se rexerá polas seguintes

## CLÁUSULAS

### Primeira. Obxecto

O obxecto deste convenio é colaborar no financiamento dos gastos derivados daqueles programas ou actividades que promovan o desenvolvemento e a reactivación do sector das orquestras e, en concreto, a execución de verbenas, festas populares ou eventos con actuacións de orquestras na Comunidade Autónoma de Galicia durante o ano 2021 asociadas a calquera das dúas Asociacións asinantes deste



convenio, así como todos os gastos correspondentes ás probas piloto, incluídos os de produción e dereitos de autor, para poñer en marcha as verbenas en Galicia.

### **Segunda. Orzamento e financiamento**

O orzamento destinado a financiar este convenio ascende a 400.000 euros (IVE incluído) con cargo á aplicación orzamentaria 10. A1 432B 781.0 dos créditos que a Axencia Galega das Industrias culturais ten asignados nos orzamentos xerais da Comunidade Autónoma para 2021.

Esta achega canalizarase a través dunha subvención concedida polo procedemento de concesión directa de acordo co establecido nos artigos 19.4.c) e 26 da Lei 9/2007, do 13 de xuño, de subvencións de Galicia e 36.c) e 40 do seu Regulamento.

Este orzamento quedará distribuído entre as dúas asociacións en razón do número de socios das mesmas:

- A Asociación Galega de Orquestras representa o 60 % do tecido asociativo, polo que recibirá un importe de 240.000 euros.

- A Asociación de Empresarios da Música da Verbena Galega representa o 40 %, polo que recibirá un importe de 160.000 euros.

Os beneficiarios serán todas as empresas de orquestras con sede en Galicia asociadas a calquera das dúas asociacións. Para os efectos deste convenio, enténdese por orquestra a formación musical que conta, como mínimo, con 5 músicos dentro do elenco artístico para cada actuación.

As partes asinantes, de mutuo acordo, poderán propoñer a modificación do presente convenio ao obxecto de redistribuír os importes asignados a cada Asociación, para acadar a maior rendibilidade e eficacia do investimento. A modificación realizarase atendendo ao establecido na cláusula décimo terceira deste convenio.

### **Terceira.- Gastos subvencionables**

Considéranse gastos subvencionables ao abeiro deste convenio:

1. Todos os gastos correspondentes ás probas piloto efectuadas para implementar os protocolos de seguridade e saúde a eventos do mundo do espectáculo musical ao aire libre, incluíndo a produción, necesidades técnicas, subministracións, etc. así como os dereitos de autor devengados en cada espectáculo realizado dentro das probas piloto.
2. Os gastos correspondentes ao asesoramento, coordinación e xestión do obxecto deste convenio.
3. Os gastos de ata o 40 % do caché das orquestras que, formando parte de calquera das dúas asociacións, participan no programa de espectáculos confeccionado para este convenio.. Enténdese por caché o importe total do pagamento realizado a unha orquestra por cada concerto incluído na programación que se realizará para xustificar este convenio.

O importe máximo que se concederá por este concepto será de 4.500 euros por concerto, e o importe máximo que poderá recibir unha orquestra será de 45.000 euros.



De acordo co previsto no artigo 29 da Lei 9/2007, do 13 de xuño, consideraranse subvencionables os gastos que, sen admitir dúbida, respondan á natureza da actividade subvencionada e que se realicen a **partir do 15 de xuño de 2021**. En ningún caso o custo de adquisición dos gastos subvencionables poderá ser superior ao valor de mercado.

De conformidade co artigo 29.7 da Lei de subvencións de Galicia, os gastos financeiros, os gastos de asesoría xurídica ou financeira, os gastos notariais e rexistrals e os gastos periciais para a realización do proxecto subvencionado e os de administración específicos son subvencionables se están directamente relacionados coa actividade subvencionada e son indispensables para a adecuada preparación ou execución da mesma.

Os tributos son gastos subvencionables cando a persoa beneficiaria da subvención os paga efectivamente. En ningún caso se consideran gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda.

#### **Cuarta.- Compromiso das partes**

1. As Asociacións, como entidades beneficiarias da subvención, asumen as obrigas que como entidade beneficiaria establece o artigo 11 da Lei 9/2007, do 13 de xuño, de subvencións de Galicia, entre as que cabe destacar as seguintes:

- a) Presentar unha programación de actuacións para o ano 2021 das orquestras integrantes da Asociación de, polo menos, 50 espectáculos. Ao tempo, deberán comunicar, cunha antelación mínima de 10 días, cada actuación que se realice ao abeiro deste convenio onde constará a orquestra, o lugar, o día e a hora establecida para a mesma. Calquera variación sobre a programación inicial tamén deberá ser comunicada á Agadic.
- b) Incluír en toda a documentación e soportes específicos das accións obxecto do presente convenio que se trata dunha actuación con financiamento da Xunta de Galicia, polo que deberá incluír o logo da Xunta de Galicia e do Xacobeo 21.22, debendo contar sempre coa conformidade da Axencia con anterioridade a realizar calquera publicación.
- c) Obter todos os permisos e licenzas necesarios para a correcta execución do obxecto deste convenio.
- d) Respetar e cumprir toda a normativa vixente en materia de espectáculos públicos así como os protocolos aprobados pola autoridade sanitaria contra a CODIV-19.
- e) Achegar a información que lle sexa requirida pola Intervención Xeral da Comunidade Autónoma, o Consello de Contas e o Tribunal de Contas no exercicio das súas funcións de fiscalización e control do destino da subvención.
- f) Comunicar á Axencia Galega das Industrias Culturais a obtención doutras subvencións, axudas ingresos ou recursos que financien a actividade subvencionada procedentes de calquera administración ou entes públicos ou privados nacionais ou internacionais. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dos fondos recibidos.
- g) Presentar, antes da sinatura deste convenio, as certificacións de atoparse ao corrente no cumprimento das obrigas tributarias e fronte á Seguridade Social e de non ter pendente de pago ningunha outra



débeda coa Administración pública da Comunidade Autónoma, así como unha declaración responsable de non estar incurso en ningunha das prohibicións para obter a condición de beneficiario, establecidas no artigo 10 da Lei 9/2007, do 13 de xuño, de subvencións de Galicia, de conformidade co disposto nos artigos 11 e 13 do Regulamento da dita lei, aprobado polo Decreto 11/2009, do 8 de xaneiro.

- h) Subministrar á Axencia Galega das Industrias Culturais, en virtude do disposto no artigo 4 da Lei 1/2016, do 18 de xaneiro, de transparencia e bo goberno, previo requirimento, toda a información necesaria para o cumprimento pola Axencia Galega das Industrias Culturais das obrigas previstas no Título I da citada lei.
- i) Comprobar que as empresas beneficiarias cumpren os requisitos de mínimos nos termos establecidos no Regulamento (UE 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de Funcionamento da Unión Europea ás axudas de mínimos (DOUE L 352/1 do 24.12.2013).

2. A Axencia Galega das Industrias Culturais comprométese a colaborar no financiamento do custe das actuacións previstas a través do outorgamento dunha subvención polo importe establecido na cláusula segunda.

#### **Quinta. Compatibilidade**

A achega económica prevista no presente convenio será compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou organismos internacionais. Porén non serán compatibles con outras subvencións, axudas, ingresos ou recursos para a mesma finalidade procedentes dos créditos da Agadic.

De conformidade co artigo 17.3 da Lei 9/2007, do 13 de xuño, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custe da actividade subvencionada.

#### **Sexta. Inexistencia de relación laboral**

A sinatura do presente convenio non implicará relación laboral ou de calquera outra natureza entre a Axencia Galega das Industrias Culturais e as persoas ou profesionais que desenvolvan as accións que constitúen o obxecto do mesmo, de tal xeito que non se lle poderá esixir responsabilidade ningunha directa nin subsidiaria por actos ou feitos acaecidos no desenvolvemento deste.

#### **Sétima. Xustificación da subvención e pagamento**

A xustificación da subvención efectuarase polas Asociacións segundo a modalidade de conta xustificativa de acordo co previsto nos artigos 28 da citada Lei 9/2007, do 13 de xuño, de subvencións de Galicia e o artigo 48 do Regulamento da Lei 9/2007, do 13 de xuño, aprobado polo Decreto 11/2009, do 8 de xaneiro, que conterá a seguinte documentación:



- 1) Memoria das actuacións contidas na programación, con indicación das actividades realizadas, onde constará de xeito individualizado o nome da orquestra co día, hora e lugar da actuación.
- 2) Unha memoria económica xustificativa do custe das actividades realizadas, que conterá:
  - a) Os contratos ou acordos para cada unha das actuacións onde se indique claramente o importe total de cada concerto, así como o día, hora e lugar de celebración.
  - b) Unha relación clasificada dos gastos e investimentos da actividade, con identificación do acredor e do documento, o seu importe, data de emisión e, no seu caso, data de pagamento.
  - c) Facturas ou documentos de valor probatorio equivalente no tráfico xurídico-mercantil ou con eficacia administrativa incorporados na relación á que se fai referencia no apartado anterior e a documentación acreditativa do pago. Esta factura indicará o importe minorado do caché da empresa.
  - d) Documentos acreditativos dos gastos realizados con medios ou recursos propios e a indicación, no seu caso, dos criterios de reparto dos custos xerais e/ou indirectos incorporados na relación a que se fai referencia na letra a).
  - e) Unha relación detallada doutras axudas, recursos, ingresos ou subvencións que financien a actividade subvencionada con indicación do importe e a súa procedencia.
  - f) Os tres orzamentos que, en aplicación do artigo 29.3 da Lei de subvencións de Galicia, deba solicitar o beneficiario.
  - g) No seu caso, a carta de pago de reintegro no suposto de remanentes non aplicados así como dos intereses derivados destes.
  - h) Acreditar que se atopa ao corrente no cumprimento das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración pública da Comunidade Autónoma de Galicia.
  - i) Declaración de non estar incurso en ningunha das circunstancias para obter a condición de beneficiario/a das subvencións reguladas na Lei 9/2007 de 13 de xuño de subvencións de Galicia, recollidas no artigo 10 da Lei.
  - j) Documentación e soportes publicitarios nos que consten a colaboración da Xunta de Galicia.

Así mesmo, deberá indicarse un número de conta para o ingreso dos fondos e xuntar unha declaración responsable da veracidade dos datos relativos á dita conta.

Á vista desta documentación, o órgano competente da Axencia Galega das Industrias Culturais comprobará a realización da actividade e o cumprimento da finalidade da subvención e, unha vez comprobado o cumprimento, expedirá certificado acreditativo da verificación realizada e tramitará o pagamento á Asociación.

A Axencia Galega das Industrias Culturais reservarase o dereito a solicitar toda a documentación que se considere precisa en relación coa xustificación do obxecto do presente convenio.

O prazo para presentar a documentación xustificativa da subvención será desde a formalización do convenio ata o **1 de decembro de 2021**.



A documentación correspondente á xustificación presentarase de forma electrónica a través da sede electrónica da Xunta de Galicia (<http://sede.xunta.gal>).

Se o investimento xustificado fose menor ao previsto no orzamento estimado contido na cláusula segunda deste convenio, e sempre que se cumpra coa finalidade para a que se concedeu a subvención, procederá o pagamento da subvención proporcionalmente á contía xustificada.

Non se entenderá incumplida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado na cláusula segunda, cando obedezan a razóns xustificadas e as actuacións que se levasen a cabo garden relación directa co obxecto do presente convenio e se compensen uns conceptos con outros, conforme ao previsto no artigo 74.2 do Regulamento da Lei 9/2007, do 13 de xuño, de subvencións de Galicia.

#### **Oitava. Pagamentos anticipados**

Realizarase un pagamento anticipado por importe do 90 % que implica a entrega de fondos con carácter previo á xustificación dos gastos, como financiamento necesario para levar a cabo as actuacións inherentes á subvención previa a súa autorización polo Consello da Xunta de Galicia, de conformidade co disposto no artigo 63.3 do regulamento da Lei 9/2007, do 13 de xuño de subvencións de Galicia, aprobado polo Decreto 11/2009, do 8 de xaneiro.

A entidade beneficiaria terá que presentar a documentación prevista na cláusula cuarta deste convenio. A concesión do anticipo realizarase mediante resolución motivada.

Esta entidade queda exonerada de constituír as garantías as que fan referencia os artigos 62.3 e 67 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño de subvencións de Galicia, en aplicación da excepción prevista no artigo 67.4 da mesma.

#### **Novena. Subcontratación**

Poderán ser obxecto de subcontratación, total ou parcial, as actividades subvencionadas a través deste convenio, tendo en conta o disposto nesta cláusula e de acordo co establecido no artigo 27 da Lei 9/2007, do 13 de xuño, de subvencións de Galicia. En todo caso quedan fóra da subcontratación aqueles gastos nos que teña que incurrir a entidade beneficiaria para a realización por si mesma da actividade subvencionada.

A necesidade da subcontratación estará debidamente motivada pola entidade beneficiaria e, en ningún caso, suporá un aumento do custo da actividade subvencionada.

Os subcontratistas quedarán obrigados soamente ante a entidade beneficiaria, que asumirá a total responsabilidade da execución da actividade subvencionada fronte á administración. As Asociacións serán as responsables de que na execución da actividade subvencionada concertada con terceiros se respecten os límites establecidos neste convenio en canto á natureza e contía dos gastos subvencionables e esixiranlles aos subcontratistas os documentos acreditativos dos pagamentos correspondentes.



Os subcontratistas están obrigados a facilitarlle aos organismos de auditoría e control toda a información necesaria relativa ás accións subcontratadas.

En ningún caso poderá concertar o beneficiario a execución total ou parcial das actividades subvencionadas con:

- a) Persoas ou entidades incursas nalgunha das prohibicións do artigo 10 da Lei 9/2007, do 13 de xuño, de subvencións de Galicia.
- b) Persoas ou entidades que percibisen outras subvencións para a realización da actividade obxecto de contratación.
- c) Intermediarios ou asesores nos que os pagamentos se definan como unha porcentaxe de custo total da operación, agás que o dito pagamento estea xustificado con referencia ao valor de mercado do traballo realizado ou dos servizos prestados.
- d) Persoas ou entidades vinculadas co beneficiario, agás que a contratación se realice de acordo coas condicións normais de mercado e que se obteña a previa autorización do órgano concedente nos termos que se fixen nestas bases reguladoras.

#### **Décima. Réxime de mínimos**

Estas achegas acóllense ao réxime de mínimos nos termos establecidos no Regulamento (UE) 1407/2012 da Comisión, do 18 de decembro de 2013, relativo á aplicación do artigos 107 e 108 do Tratado de Funcionamento da Unión Europea ás axudas de mínimos, (DOU L 352/1 do 24.12.2013).

A estes efectos as Asociacións asinantes solicitaránlles ás empresas destinatarias das accións establecidas no obxecto do presente convenio unha declaración sobre as axudas de mínimos recibidas, que remitirán á Agadic coa documentación xustificativa. A Agadic procederá a darlle publicidade a través da súa publicación na BDNS.

Ao estar este réxime de axudas suxeito ao Regulamento (UE) 1407/2013 relativo ás axudas de mínimos, deberase garantir que, no caso de recibir as persoas beneficiarias outras axudas baixo o réxime de mínimos, non se supera o límite de 200.000 euros nun período de tres exercicios fiscais. Este límite aplicarase independentemente da forma da axuda de mínimos ou do obxectivo perseguido. O período determinarase tomando como referencia os dous exercicios fiscais anteriores e o exercicio fiscal en curso, de acordo co establecido no artigo 2 do citado regulamento.

#### **Décimo primeira. Reintegro da subvención**

Procederá o reintegro parcial ou total da subvención nos casos previstos 33 da Lei 9/2007, do 13 de xuño, de subvencións de Galicia e concordantes do Regulamento da Lei de subvencións de Galicia.

No caso de que se produza exceso das subvencións percibidas de distintas entidades públicas, as Asociacións deberán reintegrar o exceso xunto cos xuros de demora, nos termos que establece o artigo 23 do citado Regulamento.



### **Décimo segunda. Comisión de seguimento**

Para o seguimento do convenio e da súa execución así como para propoñer solucións aos conflitos que poidan xurdir na aplicación e interpretación das cláusulas do convenio constituirase unha comisión de seguimento que estará integrada por un representante designado por cada unha das partes asinantes.

A súa actuación axustarase ao establecido nos preceptos básicos da Lei 40/2015, do 1 de outubro, de réxime xurídico do sector público, e na Lei 16/2010, do 17 decembro, de organización e funcionamento da Administración xeral e do sector público autonómico de Galicia.

Non obstante, todas aquelas cuestións que se susciten en relación co outorgamento, cumprimento, xustificación e pagamento, así como o reintegro e determinación das posibles responsabilidades relativas á subvención concedida serán resoltas pola persoa titular da Axencia Galega das Industrias Culturais.

### **Décimo terceira. Modificacións e resolución do convenio**

1. Toda alteración das condicións tidas en conta para a concesión da subvención dará lugar á modificación do convenio, sendo de aplicación das previsións ao respecto contidas na Lei 9/2007, do 13 de xuño, e no regulamento da dita lei.

Calquera modificación do presente convenio deberá acordarse de xeito expreso e por escrito das partes asinantes e de acordo coa normativa vixente.

Así mesmo, e de conformidade co disposto no artigo 31.4 da Lei 14/2013, do 26 de decembro, de racionalización do sector público autonómico, os convenios subscritos pola Administración xeral da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sustentabilidade financeira.

2. Serán causas de resolución do presente convenio:

- O incumprimento do seu obxecto.
- O incumprimento total ou parcial dalgunha das cláusulas que o regulan.
- O transcurso do tempo estipulado sen que se culminen as actividades acordadas.
- O acordo unánime dos asinantes.
- A decisión xudicial declarativa da nulidade do convenio.

### **Décimo cuarta. Natureza xurídica, réxime xurídico e xurisdición competente**

Este convenio ten natureza administrativa e queda fóra do ámbito da Lei 9/2017, do 8 de novembro, de contratos do sector público, que o exclúe expresamente no artigo 6.2.

Seralle de aplicación o réxime determinado pola Lei 9/2007, do 13 de xuño, de subvencións de Galicia; o Decreto 11/2009, do 8 de xaneiro, que a desenvolve; os preceptos básicos da Lei 38/2003, do 17 de novembro, xeral de subvencións, e do Real decreto 887/2006 que a desenvolve; a Lei 1/2016, do 18 de



xaneiro, de transparencia e bo goberno; a Lei 39/2015, do 1 de outubro, do procedemento administrativo común das Administracións Públicas; na Lei 40/2015, do 1 de outubro, de réxime xurídico do sector público, e polas demais normas de dereito administrativo aplicables e, no seu defecto, polas normas de dereito privado.

As controversias derivadas da aplicación ou interpretación do presente convenio serán resoltas en última instancia pola persoa titular da dirección da Axencia Galega das Industrias Culturais, cuxas resolucións poñen fin a vía administrativa. Será competente a xurisdición contencioso-administrativa para resolver na vía xurisdiccional as citadas controversias.

#### **Décimo quinta. Publicidade e rexistro do convenio. Consentimento para a publicidade de datos persoais**

En cumprimento do disposto no artigos 18 e 20.8 da Lei 38/2003, do 17 de novembro, xeral de subvencións (LXS en adiante) comunicárase a subscrición deste convenio á Base de Datos Nacional de Subvencións, que opera como sistema nacional de publicidade de subvencións.

Segundo o artigo 17 da Lei 1/2016, de 18 de xaneiro, ademais da información que debe facerse pública segundo a normativa básica en materia de transparencia, a Axencia Galega das Industrias Culturais publicará o texto íntegro do convenio.

Asemade, procederase á inscrición do convenio no Rexistro Público de Subvencións conforme ao establecido no artigo 16 da Lei 9/2007, do 13 de xuño, e no Decreto 132/2006, do 27 de xullo.

Coa sinatura do presente convenio as partes asinantes prestan o seu consentimento para incluír e facer públicos a través do Portal de Transparencia e Goberno Aberto e do rexistro regulado no Decreto 132/2006, do 27 de xullo, os datos de carácter persoal contidos no convenio.

#### **Décimo sexta. Protección de datos persoais**

As partes asinantes responsabilizaranse de que calquera tratamento de datos persoais que puideran levarse a cabo en virtude do mesmo se realice con absoluto respecto ás normas de seguridade e de conformidade co establecido no Regulamento 2016/179 (UE) Xeral de Protección de datos (en adiante, RXP), na Lei Orgánica 3/2018, do 5 de decembro, de protección de datos persoais e garantía dos dereitos dixitais (en adiante, LOPDGD) e demais normativa concordante.

Os datos persoais das persoas físicas asinantes do Convenio serán tratados polos asinantes unicamente para a adecuada formalización e desenvolvemento do mesmo e en base ao disposto no artigo 6.1 b) do RXP.

#### **Décimo sétima. Notificación electrónica**

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas



xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notifica.gal, (<https://notifica.xunta.gal>). Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

#### **Décimo oitava. Vixencia**

Este convenio entrará en vigor na data da súa sinatura e terá vixencia ata o 31 de decembro de 2021.

En proba da súa conformidade, as partes asinan este convenio.

<b>Pola Agadic</b>	<b>Pola Asociación Galega de Orquestras</b>	<b>Pola Asociación de Empresarios da Música da Verbena Galega</b>
Román Rodríguez González Presidente do Consello Reitor da Agadic	Manuel Ángel Fariña Negreira Presidente	Alberto Dopico González Presidente

